

مخبر

تعمیر و ترمیم

تعمیرات

آن مرتبه تعمیرات و ترمیمات در تمام نقاط
 ملک که منظور از این عملیات است که در حال
 ترقی است و این عملیات در تمام نقاط
 این خلدون در این عملیات
 یکی از عمده ترین مسائلی است که
 در این مورد در این عملیات
 در این عملیات مسائلی است که
 در این عملیات مسائلی است که



تعمیرات و ترمیمات

فیثانی ۲۰ غروشد

آنادولو مجموعہ سی

کمزیدہ بر ہیٹ قلب طرفدن نشر ایڈیلن بو قیمتدار مجموعہ بی صنت و عرفان علافہ دارلینہ
توبہ ایڈرز .

سبیل الرئاد مجموعہ سی

دینی و اخلاق مقالہ لری معنوی اولان بویتلی مجموعہ بی قائلریمزہ توبہ ایڈرز .

یکی قافضایا

آذربایجان قومشومزک مسیسی ناصر افکاریدر بیتلی مقالہ لره انشار ایتمکده در توبہ ایڈرز .

معارف عمومیہ مجموعہ سی

مقناعدین عسکرہ جمینک ناصر افکاری اولان بو کمزیدہ مجموعہ بلخاصہ شایان مطالہ در .

علی مجموعہ

کشدیکہ از ترق و تکامل کوسدن بو کمزیدہ مجموعہ بی توبہ ایڈرز .

جمال اوغلندہ : امنیت مندینی پاندهک

ایشین طیبی
محمد خدایوردی

یکی معاینہ خانہ سی : استانبولده سلطان محمود ترہسی جوارندہ

آدرس : بک اوغلی سوریه پادشوستندہ (۱۴) نومرودہ ۵ محراب مجموعہ سی . مخبرات و آہونہ
قیدی ایچون دوغریدن دوغری به مذکور آدرس مراجعت ایڈلہسی رجا اولونور .
مجموعہ ک سنہ ک اشراک بدل ۲۴۰ آئی آئی ۱۲۵ نمالک اجنیہ ایچون ۳۰۰ غروشد .

اون برنجی عصر هجریده تورک منابع عرفانی

۱

عثمانلی تورکلی تاریخنده ، هجری اون برنجی عصرک نصف اولی انتظام واستیلا دورلرینک نهایتی ، تشتت وتوقف زمانلرینک بدایتیدر . نصف اخیرى ایسه آياق طاقیمک باشه کچمه سندن طولانی قوت فکریه واداریه نك سقوطلی اوانیدر .

دولتک تاریخ تشکلی اولان (۶۹۹) سنه سندن (۱۰۰۰) تاریخنه قادار کچن اوچ یوز سنه بی متجاوز بر زمان سورهن حرب محشرینک عاقبتی ، سکون جنقی یرینه ، هرج و مرج دوزخی اولمشدر .

نیله بیلیرکه ، اوچ یوزیل متادیا کنیشه یین وطن ساحه سنک غرینده کی ، شرقدکی ، شمالنده کی ، جنوبنده کی قوملری قوغمق ، قوغلامق ایچون سرحددن ، سرحدده طور مقسزین ، سکیرتن ، ایریشن ملت دیدیشمکدن ، بوغوشمقدن یورولش ویپرانمشدی . فقط یینه غرب حدودمن دین دشمنلری ، شرق سرحدلرمن تورک دشمنلری ، ایله محاط ایدی . قلعه لرده مقداری محدود محافظلره ، یوردمنک قاپولرینی بکله یین اوچ بکلی قان و آتش ایچنده یوزویورلردی .

اوزی (دینی بهر) ، طورلا (دینی به ستر) وطونا صولری تورک قانیله بولانیور ، ماجار ، له ، بوجاق (بسارابیا) ، قافقاسیا و کربلا یا ایلالرنده یکیچری نعره لری اولانیوردی . اوتجی واون برنجی عصرده تورک صالدریشلرندن ، تاتار آقینلرندن بوخالیه وبادیه لره اوشوشن و دوشن غازی وشهید کیمکلرندن عرش پیا بارولر ، برجلر یاپیله بیلیردی . یایلمادی .

بو هنکامه مدید قیامتدن المزده بوکون ، ماجار غنائمندن ایکی شمعدان قالدی ، که آياصوفیا جامع مهتدیسنده ، ارواح شهدا ایچون حزین وغمکین یانان ایکی قندیل خدمتی کورویور . ایشته اوقادار !...

نفعی بوسیرالرده (۱۷) یاشنده برچوجوغه ، ایکنجی عثمانه :

آفرین آی روز کارک شهسوار صفدری !
عرشه آص شیمدن کرو تیغ ثریا جوهری !

قصیده مطننه ومدد به سنی سویله یوردی .

بوتیغ اجل عرشه آصیلمادن اول ، باشقالرک اللرنده مادحکده ، ممدوحکده حیات

رشته لرینی کسمشدی .

بوعصرک مهم قسمی چوجوقلرله ، بویوک حکمدارلرک اداره سنده تباہ اولدی . احمد اول

۱۴ ، عثمان ثانی ۱۳ ، مراد رابع ۱۱ ، محمد رابع ۷ یاشنده [۱] پادشاه اولمشردی .

مصطفی و ابراهیم ایسه ایکی بی چاره ایدی . حد ذاتنده چوجوقلرک زمان طفولیتی و

دیگر لرینک دور سلطنتی قادینلر و دارالسعاده اغالری وصایتنده کچمشدی .

کاه بو چوجوقلرک اللرنده اویونجاق اولان وطن قیریلش و پارچالاش و کاه حرمله

حرم اغالری یوزندن ملته راحت حرام اولمشدی . حرم و حرم اغالری اکثریتله اجنبی

وزنجی و بونلرک صحابتیده لری ایسه مملکته یابانجی ایدیلر . تورک سلطنتی اداره ایچون

ذکا دکیل ، ریا لازم ایدی . بو سبیدن جوانمرد اولان تورکلر دولت قاپوسندن اوزاق

قالیورلر ویالیکز حرب میدانلرنده شهید اولویورلردی .

شرقده یتیمک بیلمه یین ایران جنکی ، غربده اون بش سنه سوردهن نیچه ، ماجار ،

افلاق ، بوغدان و لهستان محاربه سی ، داخلده جلالیلر بلاسی ، مرکزده قاضی زاده لرک

بدعت دعواسی و هر صنف مأمور و هر صنف خلق آراسنده کی رقابت و فساد ابتلاسی شهرلیده ،

کویلوده رفاه و حضور بیراقمامشدی .

بو دورده ایکی قوت واردی : بری عسکر ایله علما و وزرا ، دیگرکی سرای و قرنا

ایدی . کتله ملت داخل حساب ایدیلزدی . بویاکی نوع اجرا آلتندن ، برنده کی قوت

و وحشت ، بعضاً دیگرنده کی رقت و نجاته غلبه ایدر . بعضاً برنجیلر قهار ، ایکنجیلر جبار

[۱] محمد رابعه ، والده سی تورخان سلطان ، دائما وقور ، مهیب وجدی اولماسنی و صدراعظمی

قورقوتماسنی تنبیه ایدردی - خلقه حویپا و سطحی نظر اولان دردنجی محمد ، نینه سنک بو « قورقوتماقی »

اخطارینی حرفیاً تطبیق ایتیمک ایسته مش ، برکون طوب قابو سراینده ، خاص اوطه ناک قارشیسنده کی

سنت اوطه سنک قاپوسنک آرقاسنه صاقلانهرق ، بالالتزام چاغیرتدینی صدراعظم قره مراد پاشا ایچری

کیرنجه ، « پووووه ! » دیه قابو آرقاسندن فیلامش و اختیار وزیرک « نه وار سلطانم ؟ » سؤال

حیرته ، چوجوق « آنام سنی قورقوتماقی تنبیه ایتمشدی » جوابی ویرمشدی .

اولور . بعضاً هرایکی طرفده حیه کار کسلیردی . بر طرفده احتراض و اغوا دیکر طرفده غفلت و عما زواللی ملتی آزر ، او کودوردی .

وزرا ، علما ، یکچیری آغالی منفعتلری ایچون عسکری غلیانه کتیریر ، سرایه هجوم ایتدیریر . متغلبه و والیر اهالی پی عصیانه سوق ایدر ، سردارلره قیردیریرلردی . بو قارغاشالقدده ، دولت دائماً خارج ایله ده جدال ایچنده ایدی . حربده شهید اولانلرله عصیانده قیریلانلر عددجه همان مساوی ایدیلر . هر طرفده آتش و دمیر هر طرفده ظلم و اولوم ! .. بودورده ، مادر وطنک طوغان اولادندن زیاده اولن اوغللری واردی .

بودهشت و وحشت آراسنده ترقیات فکریه و ملکیه دورمشدی . مملکتی اداره ایدنلر آراسنده کی رقابت متبادیه ، کندی امکیله کچین خلق طبقه سنی پریشان ایدیوردی . رجال ملکیه عسکره دشمن ، عسکرلرده علمادن متفر ، علما هر کسه مخالف حتی بایالر آتلورله خصم جان ایدیلر .

چو خوقلر بویوکلری ، قادینلر ارککلری ، جاهلار عالملری اداره ایدیوردی . دیلرده انتظام و عدلرندن زیاده ، انتقام و عیدلری دولاشیردی . منور کچینلر مطلقاً یاسرایه ویا بردولتلی به چانه رق تأمین رفاه ایدرلر و فضل عرفانه دالقا و قلغک ملون و متلون لباسی کیدیرمه به مجبور اولورلردی . کاتب چلبی ، او قجی زاده کبی علم ایچون عالم اولانلر اندر ایدی . آرتیق صدراعظملر صاحب دولت ، شیخ لاسلاملر ولی النعم ، قیزلر آغالی رجل حکومت و وزیر اعظملرله هم منزات اولمشلردی .

بولغار ، صرب ، روم ، خیروات ، روس ، ارمنی ، آرناوود ده و شیرمه چو جوقلری ، عجمی اوغلانلری متفسخ آغا ، پاشا قاپولرنده ، متشوش یکیچیری او جاقلرنده یتیشه رک ، کلیشه رک نه عااله ، نه وطن طویغوسی ، نه دین ، نه ناموس قایغوسی بسلاهمه یین برر جانا وار کسلیرلر و خالص تورکک باشنه بلا اولورلردی .

مدرسک ، قاضی عسکرک برر پایه علیه دکیل ، برر رتبه رسمیه ایدی . پادشاهلر ، وزیر اعظملر ، والیر قتل ایده جکلری معصوملر ایچون شیخ الاسلاملردن ، مقتیلردن فتوالردن آلیرلردی .

کوپرولو محمد پاشا آلتی سنه ضدارتدن صوکر ، آدرنه ده طوقسان یاشنده وفات ایتمش ویرینه وصیتی اوزرینه یکرمی یدی یاشنده کی اوغلی فاضل احمد پاشا کچمشدی . (۱۰۷۵)

دوردنجی سلطان محمد، برکون، حضورده بولونان شیخ الاسلام بروسالی محمد افندی ایله کوپرولونک خدماتندن و اوغلنک مقام صدارته انتخابی اصابتندن بحث ایتدی. شیخ الاسلام:

— فاضل احمد پاشا هنوز کنجدر. فقط فطین و صابر قدر. انشا الله ملک و ملته

باباسنک کیتدیکی قانلی یولدن کیتمه یه رک حسن خدمت ایدر. دیدی.

آوجی سلطان محمد شیخ لاسلامک بو تلیحنی ایضاح ایتدیرمک ایسته دی. خلیفه اسلام ایله مفتحی الانام آراسنده شویله بر محاوره کچدی:

— قانلی یول دیدیککز هانکی یولدر؟

— مرحوم آلتی سنه لک صدارتنده ناحق یره او توزیک بی گناهی بوغدوردی و کسیدردی.

— بو گناهسز لری خود بخودمی قتل ایتدیردی؟ سزدن فتوا ایسته مه دی می؟

— اوت ایسته دی.

— نه دن و یردی کز؟

— قور قومدن و یردیم.

— صدر اعظم دن قور قادی کزده الله دن قور قادی کز می؟ [۱]

دینیه بیلیرکه، او ائله بر افترا ویا بر کین اوغرینه حقسنز اعدام لریک مسؤلیتی و وبالی پادشاه لردن، وزیر اعظم لردن زیاده مفتی لره ترتب ایتمکده در.

بو دورده اکثری منور لری اندیشه لری دین و ملته خدمت دکیل، جر منفعت... و مشغله لری قید معلوماتدن زیاده صید قافیله ویا غصب رتبه ایدی.

کچن عصرک صوکلرنده (۹۶۲) حلب دن قهوه و بو عصرک بدایتنده [۲] انکلتزه دن توتون کلدی. بوسایه ده بویوک شهر لرده قهوه خانهلر آچیلهرق سلطان سلیمان قانونی زمانندن برو یاساغنه، مساغنه مهادیاً حکم لر اصدار ایدیلن می خانهلره برده قهوه خانهلر علاوه ایدیلش، قدحله فینجان آراسنده تدریجاً تکلفسنز جمعیت حیاتی باشلامشدر.

اون برنجی عصرده طرز تحصیل

عثمانلی دولتک تشکلندن برو، حق اوندن دها اول سلچوقیلر زمانندن قالمه منابع تحصیل، رسمی و غیر رسمی اولمق اوزره - اکثری جامع حریم لرنده کی ابتدائی محله مکتبلرندن باشقا - ایکی ایدی:

[۱] کلشن معارف.

[۲] نعیایه کوره (۱۰۱۵) و پچوی به نظراً (۱۰۰۷)

تکیه و مدرسه .

بوایکی مکتبه ، بالآخره بر اوجونجی علاوه ایدیلدی : اندرون .

تکیه — تکیه لرده تفیض غیر رسمی و غیر منتظم ایدی . بورالرده هر منتسب ، استعدادینه کوره فیضیاب اولوردی . تکیه ده کاسه لیس ایله مستفیض آره سنده فرق کوزه تلمز ایدی . خانقاهده کی مرشدون عرفان مادی ، علم دنیوی دکیل ، عرفان نفس و علم لدن بکله نیردی . بوکا واصل اولموقده یونان فلاسفه قدیمه سندن « یامایحوس » ک نو افلاطونی دینیلن ذات الوهیه ، سر وحدته عائد تبعلرینک عصر بعد عصر عربلره واورادن ایران طریقله آناتولی تورک لرینه « تصوف » نام معربیه کچن فلسفه بی تعقیب ایتکه وابسته ایدی .

تکیه لر منشأ اعتباریه اوچه آریله بیلیر .

۱ — بکتاشی و توابعی کیی تورک تکیه لری

۲ — مولوی و توابعی کیی ایرانی تکیه لر .

۳ — بدوی ، رفاعی مثللو عرب تکیه لری .

بو عصرده اکزیاده رواج بولان بکتاشی ، مولوی و نقشبندی طریقت و تکیه لری

ایدی .

بوفیض منبع لرینه « خام » واران « جان » لر پیشر ، ایرر ، ایریشیر ، اینجه له شیردی . بکتاشی تکیه لری اکزیاده عسکرک ، مولویخانه لر ارباب فکر و قلمک و نقشبندی درکاهلری مأمورینک فیضکاهلری ایدی .

بوراده لسان تحصیل فارسی ایدی .

مدرسه ایله تکیه بری عبوس ، دیکری بشوش ایکی استاد ایدی .

مدرسه ، متادیا جهنم و نار ایله تهید ، تکیه دائماً جنت دیدار ایله تسلی ایدردی . بری هر زمان نهی ، دیکری اکثریا عفو ایدردی . برنده و عید ، دیکرنده وعد غالب ایدی بری الهی شدید العقاب ، ذوالانتقام ، و قهار اسملری ایله یاد و دیکری اوندن یا لطیف یا غفور ، یارحیم تضرع لری ایله استمداد ایدردی . مدرسه ایچون دنیا ده انهماک عشق ، انجذاب حسن ، میل نشئه ، فکر محاسن ، تحصیل کام بوتون حرام ایدی . تکیه ایچون عشق ، شوق ، نغمه ، رقص تمام حلال ایدی . خلاصه مدرسه یومروقلار ، تکیه اوقشاردی .

محمد رابع سرایه مداوم رساملردن برینه ، برای لطیفه ، بر « جنت » رسمی یا پماسفی امر ایلهز . برقاچ کون سوکرا مصور ، روضه سی ، حوض کوثری ، طوباسی ، ملک و حوریسیله تصویرایتدیکی جنتک معنای برکوشه سینه مفتی زمان وانی افندی بی او طورمش اوله رقی ترسیم و پادشاهه تقدیم ایدر . پادشاه کندیسنگ دخی دارنعمیدن خارج بر ایلدیغنه آینه رقی :

— جنته مفتی افندیدن باشقه کیره جک اهل اسلام بولونه مادی می ؟

دییه سؤال ایتمه سی اوزرینه رسام :

— افندی داعیگنر ایله جو منزلری هر کون بالجمله اهل ایمانی جهنمه سوروب .

دوردیقارندن اورتاده جنتک قالمادی . دیمشدر .

بومنتبه جک مدرسه ذهنیتنی تمامیه کوشتریر .

پوست ایله کرسی ، شیخ ایله واعظ زمانمزه قدر متبادیاً چارپیشمشلردر . گاه بری گاه دیکری مغلوب ، گاه سوخته لر سورولمش و گاه تکیه لر قاپانمش اولدینی حالدده بودعوی ساکن و ساکت بوکونه قادار دوام ایتمشدر .

بو عصرک نصف اخیری نهایتلرنده ظهور ایدن قاضی زاده لر مسئله سی مدرسه نیک ارتجاعنه اکبویوک دلیلدر .

۱۰۴۰ تاریخلرنده برکوی محمد افندی طلبه سندن سلطان سلیم واعظی قاضی زاده

محمد افندی ایله مشایخ خلوتیه دن شیخ عبدالجید سیواسی نیک تمثیل ایله دکری مدرسه و تکیه نیک منازعه لری حد معروفی تجاوز ایتمشدی .

تکیه لرده کرسی واعظلری ذم ایدیلیر و کرسیلرده تکیه شیخلرینه لعنت او قونوردی .

غیر معقول بدعت عدبله منازع فیه اولان مسائلك بعضیلری شونلردر :

۱ — حقایق اشیادن بحث ایدن علوم عقلیه و ریاضیه نیک منع تحصیل .

۲ — حضر علیه السلامک حیاته ایمان .

۳ — آواز لطیف ایله قرآن تلاوت ایتمک و اذان و الهی او قومق و قامت کتیرمک

۴ — بعضی طریقت اصحابی دور و سماع کبی رقصه بکزه حرکاتدن منع اولنمق .

۵ — صوت بلند ایله تصلیه و ترضیه به جواز ویریله مک .

۶ — توتون و قهوه و سائر مکيفات تحریم قیلنمق .

۷ — حضرت رسول اکرم صلی الله علیه وسلمک ابونی محیی .

۸ — فرعونک ایمانله وفات ایدوب ایتمه دیکی بحئی ،

۹ — یزیده لعنت جائز اولوب اولمادیفی .

۱۰ — بدعتلره جواز ویریلوب ویریله مک .

۱۱ — زیارت قبورک جواز وعدم جوازی .

۱۲ — شیخ محی الدین عربینک تکفیر ویا تکریمی بحئی .

۱۳ — نافله و لیله رغائب و برات و قدر نماز لرینک جماعتله قیلینوب قیایناماسی .

۱۴ — بویوکلرک آل ، آباق و اتکلرینی اوپمه نک و سلام آلیرکن ایکیلمه نک جواز و یامنی .

۱۵ — امر بالمعروف ونهی عن المنکر بحئی .

۱۶ — رشوت بحئی .

بو بختلرک حلی سنه لرجه تا کوپرولوزاده محمد پاشانک صدارتنه قدار دوام ایتمش ونهایت ۱۰۶۶ سنه سی ذی الحججه سنک ساکنزنجی جمعه کونی سلطان محمد جامعنده جمعه نمازی ادا اولونورکن مؤذنلر محفلده نعت رسالت پناهی بی اصول ونغمه ایله تفی ایتدکلری صبراده قاضی زاده طرفدارلری مؤذنلری صوصدورمغه قالدیشهرق بویوک برعربده ظهوره کلش و بووقعه دن عصیله شن مدرسه علماسی اهالی بی تشویق ایله عصیان چیقاره رق دینی واجتماعی بالجمله بدعتلرک الغاسی وسلاطین جامعلرده کی ایکیشر مناره دن برر دانه سنک هدمی، و ملکک هر طرفنده موجود تکیه لرک ییقدیر یلماسیله برابر بورالره انتساب ایدن فقرا و درویشانه تجدید ایمان ایتدیلمه سی ضمنتده اطرافه تسلط ایتمک ایچون فاتح جامعنده بش اون بیک بالدیری چپلاق طوبالانهرق سرايه هجوم ایتمک اوزره ایکن کوپرولونک تدبیریه جمعیتلری داغیدیلش وقاضی زاده عوته سی قبریسه نفی ایدیلشدر، [۱]

بوصورتله ملتک فیض فطریسنه وترقیاتنه سد چکمک اهمیتنی حائز اولان مدرسه نک سیاه قوتی بردرجه یه قدار تکیه کسر ایدیوردی . چونکه مدرسه نک قویوننده کی کتابه مقابل تکیه نک آئنده قلم واردی . شعر وانشا هان تکیه کاهلره مخصوص کیدی . مدرسه لرده یالیکیز کتاب اوقونور، یازی یازیلازدی . شعر قدیمیزی دولدوران زاهد، واعظ، سالوس خطاب و سرزنشلری درکاهک مدرسه دن برر انتقامی ایدی .

سکا هر مجلسکده سویلهرم، سن ملزم اولمازسین
دکیل کرسی یه واعظ! عرشه چیقسهک آدم اولمازسین .

زاهد! اول ثقلت ایله اوچقه حاضر لانه
چیقار اول جبه و دستاری بر آرز خفت بول!
باقی

حقارتلری بوانتقامک اک بارز خلاصه منافر تیدر . تکیه لریک اک فیاضی مولویخاه و بو
فیضک استادی مثنوی نامه ایدی . پک فصیح بر فارسی لسانینه یازیلایان کتاب مثنوی ،
پک درین اخلاقیاتی ، الهیاتی ، حکمیاتی جامع ایدی . بو کتابی اوقومق ، ا کلامق ایچون
برچوق شیرلی تحصیل ایتک لازمدی . بو حال مثنوی خوانلرک تنورینه ، تجرینه سبب
اولویوردی .

تکیه لرده آشجیدن ، ایشجیدن ، مریده مرشده قارار ، اهل دل اولمق ، اهل حال
اولمق ، اهل یقین اولمق ، نهایت اهل الله اولمق ایچون دائماً چالیشمق ، دائماً کسب فیض
ایله مک الزم ایدی . بو حال مدرسه لریک عبوس و مفتور ایتدیکی ناصیه اسلامیه بر آرز عطر
ابتسام ، تهدید نعره لریله طیقادیفی صباخ ایمانه براییک نغمه نوازش سر پیوردی .
پک طبیعیدرکه فطرت بشرک منجذب اولدیغی نغمه و رایحه دن مست اولان مدرسه
تریت کرده لری دخی ظهور ایتدیله . استثنالر بو کروهک ارباب اصالتندن ، ویاسیوریلش
اصحاب فطانتندن ایدیله . شیخ الاسلام بهایی ، یحیی ، قره چلبی زاده عبدالعزیز و قاضی عسکر
باقی اقدیلر بو پرده سیاه غفلتی یرتان کسکین ذکاردن ایدیله .
بو عصرده تکیه لر شعر و موسیقی و معنوی هنرلرک حامیسی اولدیغی کیبی ، مدرسه لرده

معمارلق ، طب ، ریاضیات مثللو فنون مادیه نیک منابعی ایدی .
کمال تأسفله شوراسی ده اعتراف اولونمق لازمدرکه تورکلره و تورکجه مزه اینجه لکی و
شعر و موسیقی کیبی هنرلری تلقین ایدن تکیه لر ادبیاتمیزک اک درین یریاره سی ، قیامته قاندار
سیلیمه ، یه جک اک سیاه یریاره سی اولان « خط و محبوب » رذالتی ایراندن آله رق « تصوف »
انبویه سیله شعر مزه ، دها طوغروسی نظم مزه ، - نثرده نسبه بو چیرکینلک یوقدر -
آشیلا مزه سبب اولمشدر . تصوف بورنوسنه بورونن مبالاتسز شاعرلر فصیح و غیر طبیعی
افکار و خیالاتی تزییه ادبیاتمیزه لیدخال ایتمشلردر . حالبوکه بو کستا خلقلرده تصوفدن اثر
آرامق عبث و کناهدر . بو یوزدن اسکی ادبیاتمیز ، ارککلره خاص یرهنر اولمش و قادینلر
بوندن بالطبع اوزاق قالمشلردر . اونلک ایچون ، اقوام جهان ایچنده ، بو کون ، ادبیات
تدیسه سندن اک آز بهره دار اولان قادینلر ، تورک قادینلریدر .

مدرسه دخی اخلاق جهتیله بی شائبه دکیسه ده «تقیه» حسبیله ، کبائری مخفی طوتمق
 او مسکنک آدابندن عد ایدیلدیکنندن کسوه علما بیر ستره عیوب خدمتی کورمشدر .
 مدرسه ایله تکیه آراسنده کی بو اختلاف تلقی و تربیه دن طولایی او زمان ده خلقده
 «وحدت حس و نظر» وجود بوله مامش تکیه نك تربیت کرده لری اولان ظریف متواضع ،
 سخی حلیم بیر کتله مقابله سنده مدرسه نك یتشدیردیکی خشین ، جدالجو ، امساککار ،
 هادی بیرزمره ناس تشکل و بوزمانه قادار دوام ایله مشدر .

۲۴ آغستوس سنه ۳۴۰ مفتی اوغلی

اصغر حکمت

(مابعدی وار)

ملو کی طیفلر

«آمانه بیسی» ک ضیالی

مدینه آبوده

او کیجه مدینه آبوده ، مفکره بی اسرار یله قاپلایان ، درینلک لرینک ایضاحی قابل
 اولیان برسکوت حکم فرما اولیوردی . معبد ، روحه او قدار عجیب برتأثیر القا ایدیوردی .
 کیجه نك زینت ظلماتی ایچنده ماضیده کی حشمت مهیبه سنی تکرار اکتساب ایتشدی .
 وقتیه طاق ایوانه مسند اولان هرستون سر مقطوعده برروح بیدار کیزلنمش کی ایدی .
 معبدک بیاض حولیسنه وجد واستغراق حلول ایتشدی ، و «اقدس المقدس» ک آجینه جق
 برحاله قیریق ، دوکوک گوشه لی ستونلری اوزرنده دیز چوکمش صورتلر ، سماوی تصاویر
 بروجک لایموت احتشامی اوکنده مهیج برتعبد ایفا ایدیوردی .
 جدارلرده طوتولماز ، کورولمز بر موجودیتک تماسیله ارتعاش ایدیورکی کورینیوردی ،
 و احاطه دیوارلرنده کی هر لوتوس چیچکنک ، هر پاپیروسک نفسندن آتشین بر مناجات
 انتشار ایدیور ظن اولتوردی .

اونوتولماز بر عشق کیجه سی ایدی . ایکنجی حولینک کمرلرینی طاشیان صیره ستونلرک
 آلتنده آهنگ لطیف ایله ترنم ایدن چالغیچیلر صوصمشلردی ؛ و اوزریس معبودینه
 مخصوص ستونلرک اوکنه موقتاً وضع ایدلش اولان مشعلله لرده برر برر سونمشلردی .